

Ukanikorongi u Ire Ubana a Asu u Aza a Tasaloniya

Ukukpa u kadyanshi

Atoni a da a'ari a Tasaloniya a da Bulus wa koronku ukanikorongi u na vi. Ukanikorongi u ire u da yi la vi ubana a asu u Atoni a da a'ari a kuden ku pige ka kari a ikengi i kushiva. U korongu ta u da kpaci aza roku pini de a ka wenishike ta uwenishike u kaƙan a kaci ka ugono u Yesu. Aza roku a le a da a'a ta n ukanikorongi u da u wutaƙi ara Bulus, shegai kaƙan ka.

A ukanikorongi u na vi, Bulus wenishike ta ukuna u mayun a kaci ka kain ka Yesu wa gono. I doku ta a ili i'ya wari u korongi a ukuna u na vi. Ili i tatsu i'ya pini i'ya i'ari n kalen i'ya Bulus korongi pini a ukanikorongi u na vi. U tonuko le ta ukuna u ugono u Yesu. U tonuko le an upana u ikyamba u da a ka so vi mavura ma a asu u Kashila wa. Upana u ikyamba u na vi wa kotso ta, kpam kain ka uwunvuga ka pini. A makorishi, u da a matsa manyan hal n a vani ugono u Yesu.

Gba ili i na yi gogo-na i woko tsu ta i mayun, tyoku da i'ari i mayun a asu u aza a Tasaloniya a a'ayin a da Bulus korongi ukanikorongi u na vi.

Ili i'ya i'ari a tagarada u na vi

Idyani (1:1-2)

Ugono u Asheku wa tuko ta ukuna u mayun (1:3-12)

Kotsu Asheku a gono wa (2:1-12)

Rongoi n upityanangu (2:13-17)

**Yanyi kvasu n i yanyi manyan (3:1-15)
Kvasu ka makorishi (3:16-18)**

¹ Ātsu an Bulus n Sila n Timoti ātsa tsa ko-rongu ukanikorongi u na vi ubana a asu u Atoni a Tasaloniya aza d̄a a'ari ama a Kashil̄a Tata u tsunu, kpam a'ari a asuvu a Asheku Yesu Kirisiti Kawauwi.

² Kvasu ka vā ka Kashil̄a Tata n Asheku Yesu Kawauwi a nākā d̄a ukuna u shinga nā ndishi n shinga!

Kvasu ka ucikpa

³ Ama a vā, u gan tā an kain dem tsu tsu cikpa Kashil̄a adama a d̄e. Tsu tsu cikpa tā an upityanangu u d̄e wāri a ugbonguro maco kpam ya dem a asuvu a d̄e wā tā a udoku uciga utoku.

⁴ Da i zuwai tsa yan baci kadyanshi ka d̄e a asu u Atoni a roku, tsu tsu yan tā mazangā an i'ari n akawunki kpam i shamgbai pini n upityanangu ko an ya pana ikyamba n mavura cika.

⁵ Upana u ikyamba u nala vi, u wenike tā an Kashil̄a ka yanka ya dem afada dere. Adama a nala Kashil̄a ka kece d̄a tā a asuvu a ama a shinga a d̄a a ka uwa a tsugono tsu Kashil̄a, kpam ēda na a ka yan mavura adama a tsugono tsu nala tsi.

⁶ Kashil̄a ka tsu yan tā ili dere. Wa yan tā aza d̄a a ka tukuso d̄a upana u ikyamba vi mavura.

⁷ Wa tuko d̄a tā kpam uwunvuga a asuvu a upana u ikyamba vi hal n ātsu dem. Ukuna u na wa git̄a tā a'ayin a d̄a Yesu Asheku u wutāi a zuba u tuwāi n atsumate a zuba a ucira a ne, kpam n aletsu a akina.

⁸ Asheku a tsunu Yesu wa yan t̄a aza d̄a bawu a revei Kashil̄a kpam a 'yuwain upan̄aka Kadyanshi ka Shinga ka Yesu Asheku mavura.

⁹ A ka zuwa le t̄a a upana u ikyamba; wata, ukp̄a u d̄a bawu w̄ari n utyoku. A ka pece le t̄a n Asheku kpam a asuvu a tsupige tsu ucira tsu ne bawu utyoku.

¹⁰ Ukuna u na wa git̄a t̄a a'ayin a d̄a Asheku a ka gono u wushi icikpali n tsupige a asu u aza d̄a a'ari n upityanangu ara ne kpam a'ari ama a ne. Ed̄a i'a t̄a pini a asuvu a le, kpaci i wushuku t̄a n i'ya tsu danai.

¹¹ Ukuna u na u d̄a u zuwa tsu tsa lya kelime n uyan kavas̄u, tsar̄a u zuwa d̄a i woko ama a d̄a a'ari dere tyoku d̄a wa ciga. Tsa yan t̄a kpam kavas̄u, ucira u Kashil̄a u b̄anga d̄a i yain gb̄a ikuna i shinga i'ya ya ciga i yain. Upityanangu u d̄e u d̄a u zuwa d̄a uciga u uyan ukuna u nala vi.

¹² Nala wa zuwa ya dem u n̄aka kala ka Asheku a tsunu Yesu tsupige adama a d̄e. Kpam a ka n̄aka d̄a t̄a tsupige tsi hal n eyi dem. Kashil̄a ka tsunu ka ka yan ukuna u nala vi a asu u Asheku Yesu Kawauwi, adama a ukuna u shinga u le.

2

Magono ma U'yangasaka

¹ Ama a va, tsa tonuko d̄a t̄a tyoku d̄a Asheku a tsunu Yesu Kawauwi wa tuw̄a n tyoku d̄a a ka b̄olomgbono tsu a asu u te tsar̄a tsu gawunsa n eyi.

² Kotsu vu laza kute vu dambula a kaci ka aza d̄a a tsu ciga a dana kain ka Asheku ka rawa d̄e wa. Gaawan a ka ciga t̄a a dana a pan̄aka tsu t̄a an tsa

dansa akani a Kashilā, ko a kadyanshi ka uza roku u danai ko kpm̄ ka a korongi.

³ Kotsu i ʼasakā le a yanka dā ugboji n udani u le wa.

Ukuna u maci vi u dā, kain ki ka tuwā wa, she a 'yangasakā Kashilā cika kpm̄ Magono ma U'yangasakā ma nala mi ma wenike kaci ka ne, aku a wacinsa yi.

⁴ Wa gonuko tā kaci ka ne uzapige, aku u bidya kaci ka ne u la tā kameli, ko kpm̄ ili i'ya a ka lyaka kayala. Hal gbām u tsu uwa tā a Kuwa ku Kashilā, n u dansi karara aya Kashilā.

⁵ Cibai a'ayin a dā mārī kabolo n aḍa n tsu yanka dā tā alabari a ili i na yi.

⁶ Gogo-na i reve la vi dē ili i'ya ya shamkpa yi, kpaci a asuvu a a'ayin a ne a dā koshi a ka wenike yi.

⁷ Ucira u cingi u dā wa yan tsilala n Kashilā u dā pini wa yan manyan usokongi, shegai uza dā wa kangu u dā vi wa lya tā kelime n ukangu u dā hal she kain ka a ka takpa yi.

⁸ Pini nala, dā Magono ma U'yangasakā mi ma wenike kaci ka ne, aya uza dā Yesu Asheku wa wuna n uwule u unā u ne. Wa wacinsa yi tā kpm̄ n tsupige tsu utuwā u ne.

⁹ Magono ma U'yangasakā mi ma tuwā tā ma yain manyan ma Kanangasi* a asu u ucira u kaḅan n iryoci i kaḅan, n ikunesavu i'ya i'ārī i kaḅan.

¹⁰ Kpm̄ wa yanka tā gbā ili i cingi kau-kau manyan tsarā u yinsā ama dā a ka wacinsa. Wacinsa dā a ka wacinsa le kpaci a 'yuwan tā uciga

* 2:9 Kanangasi; wata, "Shetan" kala ka dem ka Kalapansi.

ili i'ya i'ari i maci, a 'yuwan la vi de iwauwi i'ya i wutai a asu u Kashila.

¹¹ Adama a nala, Kashila ka sukunku le ta ili i ucira i'ya ya yinsa le i zuwa le a wushuku n kaƙan ki.

¹² Nala a ka kidaga le ugana kpaci a ka pana ta kayanyan ka ili i cingi i'ya a ka yansa, a una u da a ka wushuku n ukuna u mayun.

Shamgbai n ucira

¹³ Ama a va, u gan ta an kain dem tsu tsu cikpa Kashila adama a de. Asheku a ka ciga da ta, kpam u dangasa da ta tun caupa a kagita wa wauwa da ta. Iwauwi i tuwa ta an Kulu Keri ku zuwa da i wokoi sarara, i tuwa ta kpam an i wushuki n kadyanshi ka ukuna u mayun.

¹⁴ U isa da ta utuwa a iwauwi an tsu tonuko da ukuna u Kadyanshi ka Shinga, tsara i tsara agadu a asuvu a tsupige tsu Asheku a tsunu Yesu Kawauwi.

¹⁵ Ama a va, adama a ukuna u na vi, u kana ta i shamgba n ucira, i kana uwenishike u da tsu wenishike da a asu u kadyanshi n ikorongi.

¹⁶ Kashila Tata u tsunu wa ciga tsu ta. Adama a iyali i na yi da u gbamatangu tsu asuvu kpam u da bawu wari n utyoku n uzuwuka u uma u pige.

¹⁷ Tsu yanka da ta kavasus tsara Yesu Kawauwi Asheku n Kashila Tata u tsunu u zuwa atakasuvu a de a rongo n ucira, tsu yan ta kpam kavasus tsara a naka da ucira u uyan u ili i shinga n kadyanshi ka shinga.

3

Yanka tsu kavasus

¹ A makorishi, ama a va, n folo da ta i yanka tsu kvasu, i gita i yain kvasu tsara akani a Asheku a tambura gogo kpm a naka a da tsupige a asu u da baci dem a rawai, tyoku da i yain a'ayin a da akani yi a rawai ara de.

² I yain kpm kvasu a wauwa tsu a akere a aza a cingi, kpaci ya dem da u wushuki n Asheku wa.

³ Shegai Asheku a'a ta n ushamkpa u kazuwamgbani, wa zuwa da ta i gbama kpm u kirana n ada a asu u uza u cingi.

⁴ Tsa ta n uzuwa u uma a asu u Asheku ya yansa ta i'ya tsu tonuko da i yansa, tsa ta kpm n u uzuwa u uma ya lya ta kapala n uyan i'ya.

⁵ Asaka Yesu Kawauwi Asheku u wenike da tyoku da Kashila ka ciga da. U wenike da kpm akawunki a upana u ikyamba tyoku da eyi u kawunki.

Kotsu i woko awonvoli wa

⁶ Gogo-na ama a va, naka da tsu naka da udani u na a asuvu a kala ka Asheku a tsunu Yesu Kawauwi. Banai dan n uza da wari kawonvoli a asuvu a de uza da bawu wa rongo tyoku u uwenishike u da i wushai ara tsunu.

⁷ Eda n kaci ka de i reve ta u kana i toni tyoku da atsu tsari. A'ayin a da tsari kabolo n ada, tsu yan uwonvoli wa.

⁸ Tsu tsu lya ilikulya i uza bawu tsu tsupai i'ya wa. Tsu tsu matsa ta tsu yain manyan kaara n kayin adama a da kotsu tsu woko kalandam a asu u uza wa.

⁹ Yan da tsu yain nala ko an u wokoi tsari n ucira u da tsa fuda tsu dana i lyatangu tsu. Shegai tsu yan nala wa kpaci tsa ciga ta tsu woko da iryoci i'ya ya tono.

¹⁰ A'ayin a ɗa tsari n aɗa, tsu naƙa ɗa ta ili i'ya ya tonon: “Uza ɗa baci gai u 'yuwain uyan manyan, kotsu a naƙa yi ilikulya wa.”

¹¹ Tsu reve ta aza roku a de dusuku ɗa a dusuki ndishi n gbani bawu a ka yan ili la, hal a kangi manyan ma aza roku.

¹² Adama a nala a asuvu a kala ka Asheku a tsunu Yesu Kawauwi, tsa folo ta ama a na yi, tsa barana le ta gban a asaka kugengu a 'yanga a gita manyan a boluko kaci ka le ilikulya.

¹³ Ama a va, kotsu i wowo n uyan ili i'ya i'ari mai wa.

¹⁴ Aza ɗa a 'yuwain upana ili i'ya tsu danai a ukanikorongi u na vi, i tonuko ama a kirana n ele. Banai dan i asaka le tsara a woko n uwono.

¹⁵ Kotsu i bidya ama a na yi tyoku u atokulalu a de wa, shegai i dansa n ele tyoku u utoku u de u ɗa wari a kuwa ku de, uza ɗa ya barana u yan baci ukuna u cingi.

Idyani i makorishi

¹⁶ Asaka Asheku a ndishi n shinga a naƙa ɗa ndishi n shinga kain dem ko niɗa baci ukuna wa woko. Asheku a rongo n aɗa gba.

¹⁷ Gogo-na idyani i va i'ya na, n kukere ku va ka ma korongu i'ya. Mpa Bulus, n tsu yan ta ili i na a makorishi ma ukanikorongi u ɗa baci dem n korongi, kpani i tsu wenike ta an ara va ɗa u wutai mayun.

¹⁸ Asaka ukuna u shinga u Asheku a tsunu Yesu Kawauwi u rongo n aɗa gba de.

**Kazuwamgbani ka savu n Tsikimba n a6on a
da a dangasai a kazuwamgbani ka cau
New Testament in Tsikimba (NI:kdl:Tsikimba)**

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tsikimba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

a4f6a28b-3d6d-50b4-a81b-06ae05a66010